

## Svjetski Dan telekomunikacija i informacionog društva 2010 (WTISD): "Bolji grad, bolji život sa ICT -ovima"



17. maja se obilježava godišnjica potpisivanja Prve međunarodne telegrafске konvencije koja je održana 1865. g. i osnivanja Međunarodne telekomunikacione unije - ITU. U 1973. godini ovaj događaj je priznat kao Svjetski Dan telekomunikacija.

Nakon održavanja Svjetskog samita o informacionom društvu (WSIS) 2005. g. i ITU Konferencije opunomoćenika 2006. g., 17. maj je proglašen Svjetskim danom telekomunikacija i informacionog društva (World Telecommunication and Information Society Day- WTISD).

Bosna i Hercegovina je postala 174. članica Međunarodne telekomunikacione unije 20. oktobra 1992. godine JPPH saobraćaja BiH je od februara 1998. godine član dva sektora Međunarodne telekomunikacione unije - ITU : ITU-T - Sektora za standardizaciju i ITU-D - Sektora za razvoj telekomunikacija.

17. maja 2010. g. ITU će obilježiti svojih 145 godina postojanja. Globalna proslava ovog događaja će se održati u Šangaju na World Expo 2010. koji se održava od 1. maja do 31. oktobra.

Tema ovogodišnje konferencije ITU –a je *"Bolji grad, bolji život sa ICT-ovima"*.

ICT-ovi sve više diktiraju šablone načina života i ponašanja, doprinose razvoju trgovine i privrede, unapređuju rukovođenje i gradske službe, te revolucioniraju zabavu kroz razvoj brzih komunikacija, kako mobilnih tako i fiksnih.

Generalno, ICT-ovi pružaju rješenja za mnoge probleme sa kojima se suočavaju gradovi. Za mnoge građane, skoro je nemoguće zamisliti život bez ICT-a. Od televizije, do mobitela i Interneta, ICT-ovi su preoblikovali svijet, pomažući milijardama ljudi da žive, rade i da se igraju.

ICT-ovi predstavljaju inovativne načine za upravljanje našim životnim standardom.

BH Telecom na planu razvoja ICT-ova daje svoj puni doprinos uvodeći nove tehnologije i usluge koje utiču na informatizaciju bh. društva.

U protekloj 2009. godini BH Telecom je pustio u rad treću generaciju mobilne telefonije a početkom 2010. godine razvio quadro-play uslugu pod brandom MojaTV, čime je svakako uspostavio temelje za budući razvoj ICT-ova u BiH.